

Catat kira-kira 4,000 orang sehari melawat Muzium Negara

# MRT-SBK lonjak jumlah pengunjung

Oleh AMIRUL AIMAN ANUAR

kota@utusangroup.com

KUALA LUMPUR 4 SEPT.

**D**ERUAN laju perkhidmatan Transit Aliran Massa Laluan Sungai Buloh-Kajang (MRT-SBK) sejak mula beroperasi sepenuhnya pada Julai lalu memperlihatkan tempas pengaruhnya merebak pada bangunan ikonik Muzium Negara.

Tinjauan *Utusan Malaysia* sekitar Muzium Negara termasuk Stesen MRT bawah tanahnya mendapati pengunjung tempatan tidak putus-putus tiba di platform dan menuju ke arah Pintu B menghala ke Muzium Negara.

Seorang pengunjung Ramizah Mohd. Radzi, 27, berkata, pengangkutan awam itu kini memberi keadilan sewajarnya kepada destinasi penting pelancongan negara itu apabila menyediakan akses secara terus kepada pengunjung.

Katanya, ini secara tidak langsung boleh mempromosikan produk warisan negara serta

koleksi sejarah peradaban untuk tatapan ilmu sama ada kepada pelancong luar mahupun tempatan.

“Pekarangan sekitar muzium kini lebih cantik dan indah terutama sekali tangga pejalan kaki berhadapan Jalan Damansara yang menjadi akses utama kepada pengguna MRT,” katanya kepada *Utusan Malaysia* di sini.

Seorang lagi pengunjung, Lee Thoh Sim, 61, berkata, pembinaan stesen MRT berhampiran destinasi pelancongan seperti Muzium Negara lebih memudahkan orang ramai terutama pelancong asing.

“Kemudahan bertaraf dunia ini adalah sesuatu yang perlu kita banggakan sebagai rakyat Malaysia,” katanya.

Sementara itu, Pengarah Muzium Negara, Azmi Ismail berkata, jumlah pengunjung menunjukkan peningkatan berganda berbanding sebelum MRT beroperasi terutama dalam kalangan pengunjung tempatan.

Menurutnya, kemudahan itu sebagai bukti kecemerlangan




**MUZIUM** Negara terus menjadi tumpuan pelancong tempatan dan asing sejak Transit Aliran Massa Laluan Sungai Buloh-Kajang beroperasi sepenuhnya pada Julai lalu.

kerajaan menyediakan pengangkutan awam yang efisien kepada masyarakat.

Berdasarkan statistik yang di-

rekodkan Jabatan Muzium Malaysia pada tahun 2016 purata sehari pengunjung ke Muzium Negara adalah kira-kira 2,000.



**PENGGUNA** MRT di Stesen Muzium Negara meningkat pada hujung minggu dan cuti umum. - UTUSAN/GAIE UCHEL

**PENGGUNA** MRT tidak melepaskan peluang bergambar di hadapan Muzium Negara.